

ACUERDO NORMATIVO 2/2023, de 3 d'abril, de l'Academia Aragonesa de la Lengua sobre la norma ortografica oficial de l'aragonés.

La Ley 3/2013, de 9 de mayo, de uso, protección y promoción de las lenguas y modalidades lingüísticas propias de Aragón, en o suyo artículo 7, crea l'Academia Aragonesa de la Lengua como institución científica oficial en l'ambito d'as luengas y modalidaz lingüísticas propias, a la cual li pertoca d'establiir las normas referidas a l'uso correcto d'as ditas luengas y modalidaz lingüísticas, asinas como asesorar a los poders publicos y instituciones sobre temas relacionaus con l'uso correcto d'as luengas y modalidaz lingüísticas propias y con a suya promoción social.

L'artículo 8 d'a mesma Lei indica: *“En el caso de que las instituciones públicas utilicen las lenguas y modalidades lingüísticas propias de Aragón, de conformidad con lo establecido en esta Ley, deberán seguir la norma lingüística establecida por la Academia Aragonesa de la Lengua.”*

L'artículo 2 d'o Decreto 56/2018, de 10 de abril, del Gobierno de Aragón, por el que se aprueban los Estatutos de la Academia Aragonesa de la Lengua (BOA de 20 d'abril de 2018) estableix, igualment, que las competencias de l'Academia Aragonesa de la Lengua son:

- a) *Establecer las normas referidas al uso correcto de las lenguas y modalidades lingüísticas propias de Aragón, a través de sus institutos.*
- b) *Asesorar, a través de sus institutos, a los poderes públicos e instituciones sobre temas relacionados con el uso correcto de las lenguas y modalidades lingüísticas propias y con su promoción social.*
- c) *Desarrollar aquellas tareas que, en el ámbito de su competencia, le encargue el Gobierno de Aragón.*

Lo pasau día 6 d'octubre de 2022, lo Pleno de l'Academia Aragonesa de la Lengua aprobó un acuerdo normativo per lo cual, de manera provisional y dica que l'Academia publicase nuevas directrices en materia ortografica, todas las normas graficas existents pa la escritura de l'aragonés se consideraban correctas. Como en él se preveyeba, lo dito acuerdo queda sin efecto dende la data d'aprobación d'o present acuerdo normativo.

Tamién se i deciba que lo Plenario de l'Instituto de l'aragonés heba creau una Comisión de Grafía encargada d'elaborar la norma ortografica oficial d'a luenga aragonesa. La dita Comisión de Grafía se constituyó l'11 d'abril de 2022 y, dimpués de 23 sesiones de treball, elaboró un documento titláu “Ortografía de l'aragonés” que compilaba los acuerdos d'a Comisión. Lo Plenario de l'Instituto de l'aragonés, en a suya reunión d'o 27 de marzo de 2023, aprobó lo dito documento per mayoría absoluta, elevando-lo ta lo Pleno de l'Academia como propuesta d'Acuerdo normativo.

En a suya reunión d'o día 3 d'abril de 2023, lo Pleno de l'Academia Aragonesa de la Lengua, a propuesta d'o Plenario de l'Instituto de l'aragonés, aprueba lo sigüent ACUERDO NORMATIVO:

S'aprueba lo documento anexo, titláu “Ortografía de l'aragonés”, como norma ortografica oficial d'a luenga aragonesa, deixando sin efecto l'acuerdo normativo 1/2022, de 6 d'octubre. A los efectos previstos en os artículos 7.2 y 8 d'a Ley 3/2013, y en relación con l'aragonés, l'uso correcto queda definiu per la utilización d'a dita norma lingüística.

Lo texto de l'acuerdo y lo documento, en castellano y aragonés, asinas como los votos particulars formulaus, pueden consultar-se tamién en a URL <https://academiaaragonesadelalengua.org/documentos-normativos/>.

Zaragoza, 3 de abril de 2023.— Lo President, Javier Giralt Latorre